



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2009. GODINU STRANKE ZA BOSNU I HERCEGOVINU

Broj: 03-07-6-62/10
Sarajevo, 04.02.2011. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OBIM PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	6
5.1. NALAZI.....	6
5.2. PREPORUKE.....	10

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Stranke za Bosnu i Hercegovinu za 2009. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Stranka za Bosnu i Hercegovinu nije ispoštovala odredbe člana 8. stav (1) i člana 11. stav (1), stav (3) i stav (4) Zakona o finansiranju političkih stranaka jer je primila zabranjene priloge, ne vodi adekvatne evidencije o svojim prihodima i rashodima, izvještaj nije popunila u skladu sa Pravilnikom o godišnjim finansijskim izvještajima političkih stranaka te nije dostavila traženu dokumentaciju.

Pregledom, odnosno kontrolom finansijskog izvještaja, osim gornjih napomena nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Stranke za Bosnu i Hercegovinu za 2009. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju za 2009. godinu Stranka za Bosnu i Hercegovinu je iskazala prihod u iznosu od 2.334.648,02 KM, što je iskazano u narednoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	36.132,00	1,55%
2	Prilozi fizičkih lica	12.352,00	0,53%
3	Prilozi pravnih lica	7.777,64	0,33%
4	Prihodi od imovine	2.948,86	0,13%
5	Prihodi od pr. lica	10.320,00	0,44%
6	Prihodi od poklona	7.716,49	0,33%
7	Prihodi iz budžeta	2.257.401,03	96,69%
	Ukupni prihodi:	2.334.648,02	100,00%

Prema podacima iz godišnjeg finansijskog izvještaja Stranka za Bosnu i Hercegovinu je ostvarila rashode u iznosu od 1.787.070,23 KM.

2. PREDSTAVLJANJE POLITIČKE STRANKE

Naziv političke stranke je Stranka za Bosnu i Hercegovinu. Skraćeni naziv stranke je Stranka za BiH (SBiH). Stranka je registrovana 25.04.1996. godine u Višem sudu u Sarajevu pod brojem R-I-2/96.

Sjedište Stranke za Bosnu i Hercegovinu je u Sarajevu, Maršala Tita 9a .

Lice ovlašteno za zastupanje stranke je Zenan Šabanac, generalni sekretar stranke i lice ovlašteno za podnošenje finansijskih izvještaja za 2009. godinu.

Prema podacima iz godišnjeg finansijskog izvještaja za 2009. godinu, Stranka za Bosnu i Hercegovinu ima sljedeće organizacione odbore:

- Centrala SBiH,
- Klub poslanika SBiH FBiH,
- Klub poslanika SBiH BiH,

- Mladi SBiH,
- 9 kantonalnih vijeća SBiH,
- Regionalni odbor SBiH Skender Vakuf,
- SBiH Banja Luka,
- SBiH Doboј Istok,
- Gradski savjet SBiH Mostar,
- 42 općinska/opštinska savjeta,
- 1 općinsko/opštinsko vijeće,
- 24 općinska/opštinska odbora i
- Žene Stranke za Bosnu i Hercegovinu.

3. OBIM PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke za Bosnu i Hercegovinu za 2009. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Stranka za Bosnu i Hercegovinu u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Stranke za Bosnu i Hercegovinu obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

U prethodnom periodu izvršen je pregled godišnjih finansijskih izvještaja Stranke za BiH za 2005. i 2007. godinu, a za 2004., 2006 i 2008. godinu je izvršena revizija finansijskih izvještaja u prostorijama stranke. Nakon obavljenog pregleda, odnosno revizije finansijskog izvještaja ove političke stranke, izdat je izvještaj sa mišljenjem revizora i nalazima revizije da stranka treba da postupa u skladu sa odredbama člana 6., člana 8. stav (1) i člana 11. stav (1) i (3) Zakona o finansiranju političkih stranaka, odnosno da prijavljuje svoje priloge, da se ne finansira zabranjenim priložima, da vodi adekvatne evidencije o svojim prihodima i rashodima, te da finansijske izvještaje dostavlja na način koji je utvrđen Zakonom o finansiranju političkih stranaka i Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2009. godinu, utvrđeno je da politička stranka i dalje krši odredbe člana 8. stav (1) i člana 11. stav (1) i (3) Zakona o finansiranju političkih stranaka.

5. NALAZI I PREPORUKE

5.1. NALAZI

Stranka nije ispoštovala odredbe člana 8. stav (1) Zakona o finansiranju političkih stranaka.¹

- Stranka, odnosno njenih osamnaest (18) organizacionih dijelova, bez naknade su koristila poslovne prostorije općinskih organa uprave, što nije u skladu sa odredbama člana 8. stav (1) Zakona o finansiranju političkih stranaka.

Općinski savjet SBiH Banovići je koristio prostor površine 23,67 m² u objektu “Radnički dom” Banovići, vlasništvo Rudnika Mrkog uglja Banovići. Obzirom da ugovorena cijena zakupa iznosi 2,00 KM po m² sa uračunatim porezom na dodatnu vrijednost, a stranka nije plaćala zakup, ostvarila je zabranjeni prilog u iznosu od 568,08 KM.

Općinski savjet SBiH Teslić je bez plaćanja zakupnine koristio prostor površine od 26,74m² po cijeni od 0,50 KM po m² vlasništvo Opštine Teslić, čime je ostvario zabranjeni prilog u iznosu od 160,44 KM.

Općinski savjet SBiH Kakanj je koristio prostor površine 38,36 m² vlasništvo Zavoda za planiranje i izgradnju Općine Kakanj po cijeni od 191,80 KM mjesečno uvećanoj za porez na dodatu vrijednost. Obzirom da stranka nije plaćala zakup, ostvarila je zabranjeni prilog u iznosu od 2.692,88 KM.

Općinski savjet SBiH Ilijaš bez naknade je koristio prostor površine 19,50 m² u vlasništvu Općine Ilijaš. Obzirom da u skladu sa Odlukom o načinu i visini plaćanja zakupnine poslovnih prostora na području općine Ilijaš (“Službene novine Kantona Sarajevo”, broj 2/00) najniži iznos mjesečne zakupnine na području ove općine iznosi 8,00 KM, stranka je ostvarila prilog u iznosu od 1.872,00 KM.

Općinski odbor SBiH Sanski Most bez naknade je koristio prostor površine 24,00 m² u vlasništvu Općine Sanski Most. Obzirom da u skladu sa Odlukom o uslovima i načinu davanja u zakup poslovnih prostorija i poslovnih zgrada na području općine Sanski Most (“Službeni glasnik Općine Sanski Most”, broj 4-20) cijena zakupa po m² iznosi 10,00 KM za poslovne prostore do 25,00 m², stranka je ostvarila zabranjeni prilog u iznosu od 2.880,00 KM.

Kantonalno vijeće SBiH Goražde je koristilo prostor površine 27 m² u vlasništvu Općine Goražde. Obzirom da u skladu sa Odlukom o davanju u zakup poslovne prostorije Stranci za Bosnu i Hercegovinu (“Službene novine Bosansko-podrinjskog kantona Goražde” broj 14/01) cijena zakupnine iznosi 5,00 KM po m², stranka je ostvarila zabranjeni prilog u iznosu od 1.620,00 KM.

Općinski odbor SBiH Gradačac bez naknade je koristio prostor površine 40,00 m² u vlasništvu Općine Gradačac u zgradi Crvene škole. Obzirom da u skladu sa Odlukom o visini naknade za izdavanje u zakup poslovnih zgrada, prostorija i parkinga za 2009. godinu cijena zakupa po m² iznosi 0,80 KM, stranka je ostvarila zabranjeni prilog u iznosu od 384,00 KM.

Općinski odbor SBiH Modriča bez naknade koristi prostorije Mjesne zajednice Tarevci.

Pored navedenih, poslovne prostore bez naknade su koristili sljedeći općinski odbori Stranke za Bosnu i Hercegovinu: Hadžići, Visoko, Donji Vakuf, Jablanica, Breza, Ključ, Jajce, Srebrenica i Lukavac.

¹ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke stranke.

Općinski savjet SBiH Centar Sarajevo je na osnovu Ugovora o zakupu poslovnih prostorija, zaključenim 26.05.2009. godine sa Općinom Centar Sarajevo, koristio poslovni prostor površine 66 m², po cijeni koja je ugovorena u iznosu od 1,00 KM po m² uvećanoj za porez na dodatu vrijednost. Prema Odluci o dodjeli u zakup poslovnih zgrada i prostorija Općine Centar Sarajevo ("Službene novine Kantona Sarajevo", broj 20/09), najniža cijena zakupnine u II zoni Općine Centar, gdje se prostorije stranke i nalaze, iznosi 12,00 KM po m². Korištenjem poslovnog prostora u periodu od jula do decembra 2009. godine po cijeni koja je ispod cijene utvrđene navedenom Odlukom, Stranka za Bosnu i Hercegovinu je ostvarila prilog Općine Centar u iznosu od 5.096,52 KM.

Općinski savjet SBiH Ilidža je na osnovu Ugovora o zakupu poslovnih prostorija, zaključenim 07.10.2009. godine sa Općinom Ilidža, koristio poslovni prostor površine 35 m², po cijeni koja je ugovorena u iznosu od 10% od početne cijene zakupa koja iznosi 20,00 KM za extra zonu odnosno u iznosu od 2,00 KM po m² uvećanoj za porez na dodatu vrijednost. Obzirom da se prema Ugovoru o zakupu sa Općinom Ilidža prostorije OS SBiH Ilidža nalaze u extra zoni ove općine gdje najniža cijena zakupa iznosi 20,00 KM po m², stranka je korištenjem poslovnog prostora u periodu od oktobra do decembra 2009. godine po cijeni koja je ispod cijene utvrđene navedenim Ugovorom, ostvarila prilog Općine Ilidža u iznosu od 2.211,30 KM.

Općinski savjet SBiH Tuzla je na osnovu Ugovora o zakupu poslovnih prostorija, zaključenim 15.05.2007. godine sa Općinom Tuzla, koristio poslovni prostor površine 61,53 m², po cijeni koja je ugovorena u iznosu od 1,00 KM po m² za poslovni prostor i 0,50 KM po m² za ostali prostor uvećanim za porez na dodatu vrijednost. Prema Odluci o davanju u zakup općinskih poslovnih zgrada, poslovnih prostorija i garaža ("Službeni glasnik Općine Tuzla", broj 6/04), najniža cijena zakupnine u II zoni Općine Tuzla, gdje se prostorije stranke i nalaze, za poslovne prostorije u prizemlju iznosi 8,00 KM po m², a za ostale prostorije početna cijena zakupa se umanjuje za 50% odnosno za navedenu zonu iznosi 4,00 KM po m². Korištenjem poslovnog prostora u periodu od januara do decembra 2009. godine po cijeni koja nije u skladu sa navedenom Odlukom, Stranka za Bosnu i Hercegovinu je ostvarila prilog Općine Tuzla u iznosu od 5.734,64 KM.

- Stranka je ostvarila zabranjene priloge od BH Telekomu Zenica u iznosu od 169,76 KM i Elektro distribucije Maglaj u iznosu od 322,43 KM.

Stranka, odnosno Općinski savjet SBiH Maglaj je na radnoj sjednici od 10.02.2010. godine donijelo Odluku o otpisu obaveza broj 82-3012/09, kojom je stranka iz svojih poslovnih knjiga iskknjižila obaveze prema BH Telekomu Zenica u iznosu od 169,76 KM i Elektro distribuciji Maglaj u iznosu od 322,43 KM, te time ostvarila zabranjeni prilog u ukupnom iznosu od 429,19 KM.

- Stranka je takođe ostvarila zabranjene priloge od JU „Kulturno-sportski centar“ Vogošća u iznosu od 2.231,09 KM i Udruženja za zaštitu spomenika u iznosu od 100,00 KM.

Uvidom u analitičke kartice dobavljača JU „Kulturno-sportski centar“ Vogošća utvrđeno je da je stranka izvršila otpis obaveze prema navedenom dobavljaču u iznosu od 2.370,78 KM. Takođe, uvidom u analitičku karticu kupca Stranka za Bosnu i Hercegovinu iz poslovnih knjiga JU „Kulturno-sportski centar“ Vogošća utvrđeno je da su te obaveze iznosile 2.231,09 KM, te je na taj način stranka osvarila zabranjeni prilog u iznosu od 2.231,09 KM.

Takođe, stranka odnosno njen Općinski odbor Cazin je izvršio otpis obaveze za kratkoročne pozajmice u iznosu od 100,00 KM. Navedeni odbor je primio pozajmicu od Udruženja za zaštitu spomenika u iznosu od 300,00 KM. Stranka je izvršila povrat iste u iznosu 200,00 KM, te obzirom da nije dobila opomenu za neplaćanje preostalog duga izvršila je otpis preostale obaveze

za pozajmicu u iznosu od 100,00 KM, te na taj način osvarila zabranjeni prilog u navedenom iznosu.

Stranka za Bosnu i Hercegovinu je prekršio odredbe člana 11. stav (1), stav (3) i stav (4) Zakona o finansiranju političkih stranaka.²

- Stranka ne vodi adekvatne evidencije o svojim приходima i rashodima, što je suprotno odredbama člana 11. stav (1) Zakona o finansiranju političkih stranaka.

Stranka ne iskazuje stvarne troškove i obaveze. Uvidom u dokumentaciju utvrđeno je da je stranka u 2009. godini uknjižila fakturu broj 164-ZA6-06 dobavljača DPP Studio od 02.12.2006. godine u iznosu od 34.807,50 KM, nakon što je potpisala Sporazum o izmirenju finansijskih obaveza i usluga sa navedenim dobavljačem.

U obrascu 2 finansijskog izvještaja (Pregled prometa svih transakcijskih računa političke stranke) stranka nije iskazala sljedeće transakcijske račune: transakcijski račun broj 5540080001128818 otvoren kod Pavlović International banke, transakcijski račun broj 5550070020086144 otvoren kod Nove banke, koji je ugašen 22.10.2009. godine i transakcijski račun broj 5510009999999932.

Stranka takođe nije iskazala transakcijske račune broj 3385702203673432 i 3385302200310850 otvoreni kod Unicredit banke. Navedeni računi su ugašeni dana 06.04.2010. godine i 17.03.2009. godine, za koje je stranka naknadno dostavila potvrde banke iz koje je utvrđeno da su računi zatvoreni te da nije ostvaren promet. Neprijavlivanjem računa stranka je postupila suprotno odredbama člana 11. Pravilnika.³

Stranka je u okviru Ukupnih prihoda političke stranke iskazala prihode iz budžeta u manjem iznosu od stvarnog za 10.986,00 KM. U Obrascu 3-f finansijskog izvještaja (Prihodi iz budžeta) stranka nije prijavila prihode koji su joj uplaćeni iz budžeta Opštine Bratunac u iznosu od 153,00 KM i Opštine Banovići u iznosu od 10.833,00 KM.

Takođe, stranka u navedenom obrascu iskazala kao prihod od Ministarstva finansija i trezora BiH iznos od 104.629,16 KM. Kontrolom izvoda utvrđeno je da navedeno Ministarstvo uplatilo 104.506,45 KM, a iznos od 122,71 KM se odnosi na Prihod od kamata. Takođe, navedeno Ministarstvo je uplatilo 5.000,00 KM na ime paušala vijećnika Stranke za BiH u Parlamentarnoj-skupštini BiH, a stranka je navedeni iznos prijavila kao prihod iz budžeta planiran za redovno finansiranje stranaka. Takođe, stranka je u navedenom obrascu iskazala kao prihod iz budžeta za redovno finansiranje stranaka iznos od 15.000,00 KM koje je primila

²Prema odredbama člana 11. stav (1) Zakona o finansiranju političkih stranaka, političke stranke su obavezne da vode evidencije o svojim приходima i rashodima.

U skladu sa odredbama člana 11. stav (3) Zakona o finansiranju političkih stranaka, stranka podnosi finansijski izvještaj u formi koju odobri Centralna izborna komisija, a u skladu s tim donesen je Pravilnik o godišnjim finansijskim izvještajima političkih stranaka kojim su propisani sadržaj i forma finansijskog izvještaja („Službeni glasnik BiH“ broj 61/06).

U skladu sa odredbama člana 11. stav (4) Zakona o finansiranju političkih stranaka sva lica obavezna da podnesu izvještaj, moraju podnijeti i dodatne izvještaje koje Centralna izborna komisija BiH zatraži.

³ Član 11. Pravilnika o godišnjim finansijskim izvještajima političkih stranaka nalaže da se u Obrazac 2 (Pregled prometa svih transakcijskih računa političke stranke) unose sljedeći podaci: naziv organizacionog dijela, broj računa, naziv banke stanje računa na dan 01 januar, ukupan promet ulaza, ukupan promet izlaza kao i stanje na dan 31. decembar za godinu za koju se izvještaj podnosi.

od Općine Centar Sarajevo za adaptaciju općinskog prostora u kojima je stranka smještena pod zakup, čime je poslušila suprotno odredbama člana 19. stav (1) Pravilnika.⁴

Na obrascu 4-1 finansijskog izvještaja (Režijsko-administrativni i ostali troškovi), Stranka za BiH nije iskazala troškove za adaptaciju objekta Općine Centar Sarajevo, čije prostorije je stranka iznajmila pod zakup.

Uvidom u dokumentaciju koju je dostavila Općina Centar Sarajevo utvrđeno je da su radovi na adaptaciji objekta iznosili 30.962,29 KM. Troškovi navedenih radova je snosila Općina Centar Sarajevo u iznosu od 15.000,00 KM i prostali iznos od 15.962,29 KM stranka, s tim da je stranka nosilac radova.

Takođe, na istom obrascu stranka je iskazala troškove usluga po ugovoru o djelu u iznosu od 15.369,96 KM. Na osnovu dokumentacije koju je stranka dostavila utvrđeno je da su tri fizička lica pružali usluge od kojih je jedno lice pružalo usluge vođenja knjigovodstava za Kantonalno vijeće SBiH Tuzla, troškovi za tu vrstu usluge u 2009. godini iznose 2.846,28 KM. Za navedenu vrstu troška stranka je u skladu sa članom 11. stav (1) Zakona o finansiranju političkih stranaka i članom 21. Pravilnika o godišnjim finansijskim izvještajima bila obavezna izvršiti klasifikaciju nastalih troškova po osnovu vođenja knjigovodstva. Nepravilnom klasifikacijom troškova stranka je postupila suprotno odredbama člana 21. Pravilnika o godišnjim finansijskim izvještajima političkih stranaka.⁵

U obrascu 5 finansijskog izvještaja (Obaveze, krediti i dugovi) stranka nije iskazala obaveze prema dobavljačima za Glavni odbor stranke. Uvidom u finansijsku dokumentaciju utvrđeno je da navedene obaveze prema dobavljačima iznose 32.473,00 KM.

Takođe, stranka je iskazala za Općinski savjet SBiH Žepče obaveze za primljene pozajmice prema Kantonalnom vijeću SBiH Zenica u iznosu od 700,00 KM. Obzirom da je pozajmicu Općinskom savjetu SBiH Žepče dao organizacioni dio stranke to se navedeni iznos ne može smatrati obavezom, jer predstavlja interne odnose stranke. Neiskazivanjem obaveza prema dobavljačima i pogrešnim iskazivanjem obaveza za pozajmice stranka je prekršila odredbe člana 23. stav (1a i b) Pravilnika.⁶

- Finansijski izvještaj nije popunjen u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06).

U obrascu 3-b finansijskog izvještaja (Prilozi pravnih lica veći od 100 KM) stranka je iskazala kao prilog pravnog lica sredstva koja je primila od Centra za socijalni rad po osnovu refundacije bolovanja u iznosu od 3.789,64 KM, što je suprotno odredbama člana 15. Pravilnika.⁷

⁴ Član 19. stav (1) Pravilnika o godišnjim finansijskim izvještajima političkih stranaka nalaže da se Obrazac 3-f (Prihodi iz budžeta) popunjava na nivou političke stranke i u njemu se evidentiraju sva sredstva iz budžeta svih nivoa vlasti koja je politička stranka primila u izvještajnom periodu.

⁵ U skladu sa članom 21. Pravilnika o godišnjim finansijskim izvještajima političkih stranaka u obrazac 4-1 – Režijsko-administrativni i ostali troškovi, unose se svi troškovi osim troškova propagande, i sljedeći podaci: naziv organizacionog dijela političke stranke, vrsta troška, konto i iznos.

⁶ U skladu sa članom 23. stav (1a) u obrazac 5 (Obaveze političke stranke po pozajmicama) unose se sljedeći podaci: naziv davaoca pozajmice, iznos pozajmice, datum realizacije iste, visina rate i rok vraćanja iste. U isti obrazac u dijelu koji se odnosi na ostala dugovanja unose se sljedeći podaci: naziv povjerioca, iznos duga, datum nastanka istog, visina rate i rok vraćanja duga.

⁷ U skladu sa članom 15. Pravilnika u obrazac 3-b (Prilozi pravnih lica veći od 100 KM) unose se sljedeći podaci: naziv organizacionog dijela stranke, ukupan iznos priložaja je pojedinačna vrijednost manja od 100 KM, naziv pravnog lica čiji je prilog veći od 100 KM, identifikacioni broj, datum kada je prilog dat i iznos priloga.

Stranka je kao prihod iskazala sredstva koja je dobila od Kantonalnog vijeća SBiH Unsko-sanski za plaćanje režijskih troškova u iznosu od 1.188,00 KM. Obzirom da je sredstva dao organizacioni dio stranke, te da se radi o internim odnosima unutar stranka, navedeni iznos sredstava ne predstavlja prihod stranke, čime su prekršene odredbe člana 13. stav (5) Pravilnika.⁸

Stranka je u okviru prihoda u finansijskog izvještaju kao Dobit od pravnih lica u vlasništvu političke stranke iskazala višak prihoda nad rashodima a koji su nastali u 2009. godini, u iznosu od 11.056,00 KM, što je suprotno odredbama člana 13. Pravilnika.⁹

- Stranka nije dostavila dodatnu finansijsku dokumentaciju.

Centralna izborna komisija BiH je od ove političke stranke zatražila da dostavi kopije izvoda sa neprijavljenih transakcijskih računa i naloge za knjiženje i analitičke kartice na kojima su evidentirane određene transakcije i fakture. Obzirom da stranka nije dostavila traženu dokumentaciju, prekršila je odredbe člana 11. stav (4) Zakona o finansiranju političkih stranaka.

5.2. PREPORUKE

Preporučuje se Stranci za Bosnu i Hercegovinu da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da postupa u skladu sa odredbama člana 8. stav (1) Zakona o finansiranju političkih stranaka, odnosno da se ne finansira priložima koji su zabranjeni ovim Zakonom i***
- ***da postupa u skladu sa odredbama člana 11. stav (1), stav (3) i stav (4) Zakona o finansiranju političkih stranaka, odnosno da vodi evidencije o svojim prihodima i rashodima, da dostavlja i podnosi i druge izvještaje na zahtjev CIK BiH, te da finansijske izvještaje podnosi Centralnoj izornoj komisiji Bosne i Hercegovine u formi propisanoj Pravilnikom o godišnjim finansijskim izvještajima političkih stranaka.***

KOMENTAR

U ostavljenom roku, Stranka za Bosnu i Hercegovinu se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2009. godinu. Služba za reviziju je razmotrila primjedbu stranke na nalaz u kome je navedeno da stranka nije prijavila prilog fizičkog lica i da u finansijskom izvještaju nije iskazala transakcijski račun otvoren kod Raiffeisen banke. Obzirom da je stranka dostavila adekvatne dokaze za navedene primjedbe i otklonila ih, ispravke istih su ugrađene u konačni izvještaj o pregledu. Služba za reviziju finansijskog poslovanja u Centralnoj izornoj komisiji BiH je razmotrila i druge primjedbe iz očitovanja. Obzirom da iste nisu utemeljene na relevantnim činjenicama i za

⁸ U skladu sa članom 13. stav (5) Pravilnika novčana sredstva koja jedan organizacioni dio prenese drugom organizacionom dijelu unutar političke stranke ne smatra se prihodom i ne iskazuje se u izvještaju u okviru prihoda.

⁹ U skladu sa članom 13. Pravilnika u Obrazac 3 (Ukupni prihodi političke stranke) unose se sljedeći podaci: članarina, finansijski prilozi fizičkih lica, prilozi pravnih lica, prihodi od imovine političke stranke, dobit pravnih lica u vlasništvu političke stranke, prihodi od poklona i usluga koje stranka nije imala obavezu platiti, prihodi iz budžeta i ukupni prihodi po svim osnovima.

iste nisu dostavljeni adekvatni dokazi niti ispravke finansijskog izvještaja nisu uticale na nalaz revizije.

Mr. Hasida Gušić, Šef Službe za reviziju

Veliborka Kravljača, revizor